



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensor Redivivvs Seu De Sacrae Consistorialis Aulae Advocatorvm Origine, ac Munere

**De Rossi, Giuseppe Ortensio
De Rossi, Giacomo Gregorio**

Romae, 1657

Cap. VI. De lure transmittendi officium, ac locum Aduocationis ad liberos

urn:nbn:de:hbz:466:1-10678

SEXTVM. 193

pietatem eiusdem Collegij, quia
omnes pauperes cuiuscunque
Nationis gratis admittit ad lau-
ream Doctoratus, si præuio
examine idonei reperiantur.



De Iure transmittendi Officium,
ac locum Aduocationis
ad Liberos.

CAPVT SEXTVM.



¹ **F** *Ilij Aduocatorum ce-
teroquin idonei admit-
tendi sunt in eundem ordi-
nem Aduocatorum tam uiuis,
N. quàm*

- quàm mortuis parentibus .
- 2 Extraneis , ac etiam super-
numerarijs antepponendi .
 - 3 Pater , & filij possunt esse
eodem tempore de Collegio
eiusdem Vniuersitatis .
 - 4 Priuilegium hoc est indultum
filijs propter parentes, quo sim-
pliciter gaudere debent .
 - 5 Filius Aduocati electi ad pa-
trocinium Reip. idoneus eligi
debet à Rep. ad idem patro-
cinium in locum patris defi-
cientis .
 - 6 Senatorum filij admissi fue-
re à Romanis in Curiam unà
cum Patribus .
 - 7 Ius transmittendi locum ad
lineam descendantium compe-
tit Aduocatis Consistorialibus
de

SEXTVM. 195

de iure: ad lineam verò transversalium non nisi ex gratia Principis.

8 Aduocati Consistoriales, qui transmiserunt locum suum ad liberos.

9 Filij Aduocatorum Consistorialium admissi in Collegium non rumpunt numerum duodenarium Aduocatorum.



VPERIVS dictum fuit, Collegium Aduocatorum Consistorialium apud Summos Pontifices obtinere.

N 2 lo-

locum , quem Collegium
 Centumquingenta Aduoca-
 torum supremæ sedis Præfeci
 Prætorio olim obtinebat apud
 Imperatores ; quorum filii * ,
 postquam legum doctrinam
 meruissent , tam viuis , quàm
 mortuis parentibus , erant de
 iure admittendi in eundem or-
 dinem , nec solum * extraneis ,
 sed supernumerariis quoquè an-
 teponendi ad textus expressos
inl. iubemus 3. & l. petitiones 5.
C. de Aduocat. diuers. Iudicum ,
in vtraque, ibi , & filios Aduoca-
torum , vel adhuc in tali consti-
tutorum officio , vel eorum , qui
Fisci patronatum deposuerint ,
superstitum , vel mortuorum , ex-
traneis ad idem officium acceden-
 ti-

tibus anteponi eique gratis, & sine sumptibus sociari, si & ipsi (prout dispositum est) solito tempore legum doctrinam meruerint; Sic etiam in l. nemini 11. & l. petitionem 13. C. de Aduocatis diuers. Indiciorum; prima quidem, ibi, filios autem Togatorum excellentie tue, qui nunc causas agunt, vel futuris temporibus attitauerint, cæteris supernumerarijs anteferri: altera verò, ibi, filios scilicet statutorum in locum deficientium supernumerarijs anteponendos; Atque ideò in dicta l. nemini adnotarunt Baldus num. 6. quòd filius Aduocati est magis honorandus, quàm ille, qui non est filius Aduocati, & est cæteris alijs paribus præferen-

N 3 1 dus,

dus, Salycet. *sub num.* 9. quòd
 filij Doctorum Collegiatorum
 cœteris supernumerariis debent
 anteponi, & Roman. *num.* 7.
 3 quòd Pater *, & filij possunt esse
 eodem tempore de Collegio e-
 iusdem Vniuersitatis, primum-
 què dictum reperunt Bald. *num.*
 2. & Salycet. *num.* 1. & 4. *vers.*
item, vbi etiam Roman. *sub*
num. 1. ait quòd filii Aduocato-
 rum tam viuentium, quàm de-
 ficientium debent aliis præferri,
 & *sub num.* 4. quòd filii Docto-
 rum gaudent priuilegio, vt cœ-
 teris anteponantur, siue Paren-
 tes, viuant, siue non, siue sic
 finitum officium ipsorum, siue
 adhuc duret, qui pariter in *l. pe-*
tionem num. 7. ponderata hu-
 ius-

iusmodi antelatione, subdit, &
 hoc puto de iure procedere, siue
 Parentes sint mortui, siue uiuant,
 nam hoc * priuilegium est indul- 4
 tum filijs propter parentes, &
 ideo simpliciter hoc priuilegio gau-
 dere debent, & Barbof. in Collect.
 num 8. inquit, obseruasse Do-
 nellum Comment. Iur. lib. 18.
 cap. 3. col. ultima in fine Petr. de
 Gregorio de concess. feudi part.
 1. quæst. 4. num. 8. & Valasc. con-
 sult. 129. num. 13. quòd * si 5
 Aduocari perpetuò electi in pa-
 trocinium Reipublicæ dece-
 dant, eorum filii superstites, ac
 Doctores, potius eligendi sunt
 ab ipsa Republica, quàm alii
 extranei, addendo ex Petro Gre-
 gor. Tholos. syntag. Iuris lib. 47.

N 4 cap.

cap. 9. num. 23. vers. *benè*, Ro-
 6 manos * ideo Senatorum filios
 vnà cum Patribus in Curiam
 admisisse, vt exemplo parentis
 negotiis terminandis assiste-
 rent.

Hinc Vestrius in *Praxi lib. 2.*
cap. 18. De Aduocatis Consisto-
rialibus num. 2. recensendo pri-
 uilegia per Imperatores, ac
 Summos Pontifices concessa,
 eorum ordini, dixit, *ampliùs,*
 & locum parentis in ipso ordine
 ad filium Iurisperitum, & aliàs
 idoneum transmittendi, quod ad
 Nepotes etiam ex filio iure tra-
 duceretur. imò nostris temporibus
 ad fratrem, benignitate tamen Prin-
 cipis pro ea dumtaxat vice exten-
 sum fuit, quibus sanè verbis
 do-

docuit * id filiis, ac nepotibus ex 7
 filio, sicquè lineæ descendenti
 competere de iure, lineæ autem
 transuersali nempe fratri, aut
 eius filiis nonnisi ex gratia, &
 benignitate ipsius Principis,
 idemquè testatur Petrus Gregor.
 Tholosan. Syntag. Iuris. lib. 49.
 cap. 6. num. 10. ibi Item, & lo-
 cum parentis ipsius ordinis in filios
 & nepotes idoneos, alioquin In-
 risperitos transmittendi, quibus
 adhærent Lælius Zecchius de
 Republica Christiana cap. 17. &
 Cherubinus in Compendio Bulla-
 rij ad Constitutionem 62. Sixti V.
 scholio 2. Quod præsentis, ac su-
 periori sæculo obseruatum * vi- 8
 dimus in Coronato de Planca
 filio Iustini de Planca, Pauloquè
 de

de Planca filio dicti Coronati ;
 Hieronymo Iustino de Castello
 filio Nicolai , & Petro Paulo fi-
 lio eiusdem Hieronymi ; Carolo
 Baldassino filio Melchiorris Nea-
 politani ; Vincentio filio Fabia-
 ni de Monte Sauino patre Iulii
 III. Annibale Sanguineo filio
 Petri Pauli ; Fabritio Gabriellio
 filio Antonii ; Vespasiano Cæ-
 sio filio Angeli Romanis ; Ioan-
 ne , ac Petro Aldobrandinis fra-
 tribus Clementis VIII. ac filiis
 Siluestri ; Horatio Burghesio fi-
 lio Marci Antonii , & fratre Pau-
 li V. Mutio Vellio filio Antonii
 nobili Romano ; Lælio Biscia-
 filio Bernardini ad dignitatem
 Cardinalatus postea euecto per
 Urbanum VIII. Bernardino Teo
 filo

fio filio Sertorii Romani; Lau-
rentio Pheo filio Iulii Hortani;
R.P.D. Carolo Cerro, nunc Sa-
cræ Rotæ Auditore meritissimo
filio Antonii Papiensis; & Iose-
pho Hortensio fratre meo in ip-
so adolescentiæ flore defuncto,
ac me Iacobo Gregorio de Ru-
beis filiis Petri Francisci Roma-
ni.

Quarè in statutis antiquis
eiusdem Collegii, fol. 4. ità ca-
uetur, *qui numerus duodecim in-
telligatur, præter quàm de filiis
Aduocatorum, qui uiuentibus
parentibus admittuntur in Col-
legio seruatis seruandis, per quo-
rum * admissionem declaramus* 9.
*non censeri rumpi numerum duo-
decim.*

De